

■ FORUM PARC NAZIUNAL ADULA

Dil federalissem al centralissem

Il communiqué da Pro Natura dils 28-1-16 ha aviert alla populaziun ils eglis pertuccoint il parc naziunal Adula: Perquei ch'ins temi ch'ei detti opposizion stetti ella charta pliras gadas incorrectamentein ch'ei detti neginas restricziuns ella zona circumdonta e ch'ei detti leu neginas leschias novas. Quei constettent denton buc. «Wozu braucht man eine Umgebungszone, wenn diese gar keine Wirkung erzeugen soll?» sedamonda la presidenta da Pro Natura. Era ella zona circumdonta vali il regulativ da parcs (Pärkeverordnung, PäV), decretaus dalla confederaziun, cun finamiras formuladas claramein. «Es gilt, die Entwicklung der Umgebungszone auf die Kernzone auszurichten.» Ed Urs Tester, commember dalla direcziun Pro Natura, di co ei va vina von suenter la votaziun: «Gründen wir den Nationalpark, arbeiten wir an den Stärken und merzen die Schwächen aus.» Experienciaschess ellas tiaras dalla UE muossien ch'ils biars projects da parcs naziunals entscheivien pei zieg per lu tuttina aunc marmenir a «parcs naziunals da ver». Cun lur advocats e lur daners gudognan las organisaziuns dalla natura a Lausanne ton sco mintga process per contonscher in «ver» parc naziunal inagada che nus vein dau il det pign.

Quella posizion clara da Pro Natura ha fat laguoter quels digl Adula duas gadas da vit. Sin lur website vein nus saviu leger: «Der Verein Parc Adula wird diesbezüglich im Moment keine Stellung nehmen, solange der demokratische Prozess der Vernehmlassung nicht abgeschlossen ist.» Interessant ei ch'ei vegn tschintschau cheu d'in «process democratic». Tochen ussa vein nus buca sentiu bia da democrazia: Aschia survegnati tuttas casadas – ch'ellas veglien reclamas ni buc – gia da pi onns propaganda en casa, enstagl d'informaziun: praticas totalitaras. Sin podiums vegnan mo proparcles envidai. Sustegn finzial ha mo la vart pro. Sin damondas claras da vischins, adina mo rispostas diffusas che fineschan aschia: «Ei dat neginas restricziuns.» Aschia ei vegniu comunicau a Vrin che per la catscha midi ei nuot ella zona centrala ed en connex culla pasculaziun vegn preten-

diu il medem. Sch'ins legia manedlamein las 440 paginas A4 dil reglement vegn insissu zatgei auer: La catscha vegn rugalada vi e la pasculaziun vegn reducida sin 15% das pastiras, controllada e birocratisada dil tuttafatg. In affon astga buca metter pli in crap en sac, sch'el va cun ses geniturs per trutg sur la Greina. Cuort e clar: Il carstgaun vegn sclusa ord la natura, ferton ch'ils animals scarponts han leu protecziun absoluta.

La reacziun dil team dil parc sillla sinceridad da Pro Natura ei stada vehementa, malgrad ch'ei scrivan ch'ei prendien buca posiziun pil mument. Parc Adula pretenda vinavon di per di mecanica mein sco da dir si ils misteris da letetzia ch'ei midi ella zona circumdonta «absolut nuot». Fact ei che tuts (!) ils vitgs pertucciani sanflan en quella zona. Quei ston ins inagada patertgar tgei che quei vul dir: Tut ils vitgs sanflan el perimenter d'in parc naziunal che ha da setener vid ils decrets dai dalla confederaziun (Pärkeverordnung, PäV) e che lezza ha surpriu dalla UE. Leu savein nus denter auer leger art. 18, 1f: «Zur Erhaltung und naturnahen Bewirtschaftung der Kulturlandschaft und zu deren Schutz vor nachteiligen Eingriffen sind in der Umgebungszone ... bestehende Beeinträchtigungen des Landschafts- und Ortsbildes durch Bauten, Anlagen und Nutzungen bei sich bietender Gelegenheit zu vermindern oder zu beheben.»

In parc naziunal munta scamonds, leschas e formulars. Il mender denton ei ch'el sutmineschia quei ch'ins capescha el Grischun sut democrazia: Las vischnauncas piardon lur autonomia e lur dretgs democratics. Al team dil parc, che consista ord in sulet indigen, va ei zuar buca per dretgs ed aunc bia meins per la natira. Ei va per lur plazzas. Denton allas instituziuns digl ambient – che vegnan ad esser suenter aunc pli attentas sin mintga caglia che vegn pinada, buca mo sper la loipa, e sin mintga crap che vegn vuilts – dat in parc naziunal entamaun in instrument da far cun nus tgei ch'ei vulan. Nus unfrin il federalissem ad in sistem centralistic tgamunaus dil Bafu e dad uniuns jastras (Parc Adula, Pro Na-

tura, WWF, mountain wilderness) presidiadas da suprastonzas che viven anoragi e che pagan leu lur taglia.

Sch'ils verds camondon dil tuttafatg las fiastas, tgei che quei vul dir per exempli per ils stabilimenti dallas firmas Beer (80 luvvers) e Candinas SA ad Igniu e per las Cavas da crappa e sablun SA, per nosa industria insumma, vegn nus sisu suenter la votaziun. Il president da vischnaunca da Sumvitg para da saver desister sin nos pli gronds pagataglias. Candinas SA, ina fatschenta solida che occupescha tochen 35 luvvers, s'orientescha gja uss anoragi muort la politica persunala da vischnaunca. Dils millioni frans che ein vegni tochen oz ord la Greina paron ins era da saver sefurtrar el futur. In tschec avegnir per Sumvitg. Nossa consolaziun: Presidents vegnan e van, il pievel denton resta.

Interessant ei aunc zatgei auer che Pro Natura scriva: «Il Parc Adula' ei in'incumbensa dallas habitontas e dils habitonts della regiun.» Jeu enconuschel bia habitontas ed aunc pli bia habitontas, aber buca enconuschel jeu che ha dau enzacu incumbensas ad jasters per far reservats. Il parc ei buc ina incumbensa dalla pasculaziun, mobein ina da Berna. Ei Pro Natura aschi fetg davos la cazzola ch'ella crei che quellas ideas da proteger «unberührte Natur» e far empaglia alpegiuin e catscha vegnien dil pievel grischun? Il muntagnard sa, e quei scrivin nus tudestg per che era quels da Pro Natura capeischien: «Es wird da keine 'unberührte Natur' geschützt, weil es sie gar nicht gibt. Vielmehr wird da eine Kulturlandschaft zerstört.»

Bonificai dalla confederaziun vegn nus cun in label dapi che nus astgein aunc pagar, plinavon cun empermischiuns e cun purs da cuma che fan hustiamein mirs, bettessen aber buc in crap ord in trutg, nun che quei vegness era subvenziunau.

La votaziun vegn a mussar sche democrazia ei cumprabla e sche la glieud ei aschi tappa sco quei ch'il team Parc Adula la manegia.

Leo Tuor,
cumissiun Parc Adula – NA

■ BANCA CHANTUNALA E PRO SENECTUTE

Cussegliaziun da finanzas gratuita e nunlianta per senioras e seniors


Detags èn da chattar en il program da curs actual sin la pagina 28.

Cussegliaziun da finanzas per senioras – gratuita e nunlianta

In auter securt d'engaschament da la BCG è la cussegliaziun da finanzas gratuita e nunlianta. Arthur Soliva, sez pensiunà ed anteriur cussegliader da la Banca Chantunala Grischuna, dispona d'ina experienciasch da blers onns ed enconuschia fitg bain las dumondas ed ils gi-

vischs dals seniors. El cussegliaziun da finanzas personalas cumpiglian infurmaziuns generalas en connex cun ils daners e las finanzas, dumondas da la protecziun finanziaria en la vegliadetgna u da l'optimaziun da la taglia.

Ulterioras infurmaziuns dattan la Banca Chantunala Grischuna e Pro Senectute Grischun.



Senioras e seniors vulan passentar la saira da la vita senza quitads finanzials.

■ FORUM

Ideas constructivas e neginas polemicas

Risposta sin la brev dallas vischnauncas e Sursela Turissem encunter la IGZWB Breil e contourn publicada en La LQ dils 22 da fevrer 2016. Ei para paradox e muta era in tec arroganza da pretender che tschiens persunas (hospes ed indigen) en Sursela seigien polemichers. Co ha ei num? «Willkommen liebe Feriengäste?»

Haver in auter meini che quel da politichers che sesan en suprastonzas comunales ei il bien dretg democratic ed ha da far nuot cun polemica. Il dretg democratic vala era per jasters e fideivels hospes da vacanzas.

Nus dalla IGZWB Breil e contourn vein decidiu sonda, ils 20 da fevrer d'encurir il discours cun la vischnaunca da Breil. Nossa supplica per in tal discours ei drizzada per l'entschatta mo a la suprastanza. Mo la suprastanza ei nies interlocutur.

Pli detagliau stoij jeu buc ir en sin quei liung artechel encunter la IGZWB, motom: concretas ideas vein uns adina pupei proclamau ed era schau saver. Il motto dils commembers dalla IGZWB ei adina staus «Purtar ensemble il buordi, ils devets dalla vischnaunca, denton buca

Polemica?

Muster sa sco udu da raschun schizun sminuir il pei da taglia

Breil ha stuui sedecider gl'avrel 2014: «U ch' ils possesurs da secundas habitaziuns ston pager ni che nus alzein la taglia a vus indigen!», ha ei giu num. Las votantas ed ils votants (da Breil) han decidiu e la suprastanza ha buca stuui alzar il pei da taglia. Quei ei in sempel fatg da capir. Nua ei cheu la polemica?

Ignaz Derungs,
president IGZWB Breil e contourn

■ FORUM

La confederaziun incassescha dapi onns memia bia daners!

1984 ha la dertgira federala decidiu ch'il castig da maridaglia cunterfetschi alla constituziun. Dapi lu ei capitau nuot ed ils pèrs maridai pagan aunc adina memia bia taglia en cumparegliazion cun pèrs buca maridai. La confederaziun incassecha onn per onn (e quei dapi varga 30 onns) memia bia daners. En special ei il stan miez pertuccaus. Quei sto calar! Cunquei ch'il parlament blochescha se-

sez en quella damonda sto il pievel decider e finalmein terminar quella malgestad. Cun francar en la constituziun, che pèrs maridai fuorman fiscalmein ina cu-minonia economica e ch'els vegnan buca disfavorisai, sa la decisioen dalla dertgira federala finalmein vegnir realisada. Per quei motiv ditgel jeu ils 28 da fevrer GIE alla aboliziun dil castig da maridaglia.

Kevin Brunold, president pcd Sursela

■ NOVITADS WWW.RTR.CH

Dapli giasts per la claustra da Mustér

Lonn passà ha la claustra benedictina da Mustér endrizzà la Stiva sogn Placi en ina sala da pelegrins. Uss cuntinueschan las investiziuns. Las stanzas, en las qualas cussadents da la Casa da tgira Sursassiala han abità in temp vegnan renovadas. Ia tracta da 18 stanzas en la 3. e 4. auzada dal bajetg principal (baroc) da la claustra. Las investiziuns èn ca. dus millioni frans. Cunzunt ils palantschieus novi custian bler, sco il cellerar da la claustra Silvio Bernasconi ha ditg ad RTR. La finamira è da dar suttetg a gruppas che fan seminaris. L'avat Vigeli Monn na tema betg che quai dettia dapli disturbis, il cuntrari: quai dettia dapli vita. Els hajan

gia fatg bunas experientschas cun la Stiva sogn Placi ed era cun ils cussadents. Ed ils paders hajan in agen spazi per sa retrair. Sa chapescha ch'ina tala avertura saja in grond pass per ina claustra benedictina, conceda l'avat. Er ils indigen sajan stads per part surstads. Ed en la claustra saja quai stà in process da plirs onns.

Las 18 stanzas èn in'emprixa etappa; en ina secunda vegni fatg 5–8 stanzas per giasts che vegnan a viver in tschert temp cun ils paders en claustra.

Viver sin la champagna

Quasi nov da diesch persunas che viven sin la champagna èn cuntentas cun lur situaziun. Quai demussa in studi representativ dal portal d'immobiglias immowelt.ch. Il riuas, la natura ed abita-

ziuns pli favuraivlas e tuttina por ins avair tut quai ch'ins basegna da viver. Perquai inditgeschan 88% dals dumandads che viven sin la champagna da vulair restar là, quai mussa il studi da immosuisse.ch. Tenor il studi da immosuisse.ch inditgeschan 88% dals dumandads ch'els apprezzieschian il viver ordaifer ina citad.

Tenor l'Uffizi federal per statistica vivan bain traiss da quatter persunas en Svizra en territoris urbans. Uschia sa concentreschan las porschidas medicinalas e las stizuns sin ils territoris urbans. Perquai hai per exempli bler pli paucs meddis, stizuns, scolas ed autras porschidas socialas e culturalas sin la champagna. Tuttina èn ils avdants da la champagna cuntents cun lur situaziun ed èn da l'avis ch'i na manchia nagut, quai mussa il studi da immowelt.

Per quest studi da immowelt.ch sur da l'urbanisaziun da la Svizra èn vegnidaz dumandads il zercladur 2015 en l'entira Svizra 541 persunas sur 18 onns. 185 da questas persunas han inditgà da viver sin la champagna.

Economia da construcziun sa revegn

Da quest avis èn la Societad svizra dals impressaris constructurs e la banca Credit Suisse. Suenter grondas perditas l'onn passà vegn la situaziun tar l'economia da construcziun probabel puspe a sa meglierar il 2016. Quai resorta da l'index da construcziun che la banca gronda Credit Suisse e la Societad svizra dals impressaris constructurs han publitg.